

XVIII Դ. ՍԵՂԱՆԻ ՀԱՅԱՏԱՌ ԶԱՐԴԱԽԱԶ

Մ. Ե. ԿԱՐԱՊԵՏՅԱՆ, Հ. Վ. ՍԱՐԳՍՅԱՆ

Ոսկերչությունը Հայաստանում հնագույն և տարածված արհեստներից է։ Այդ մասին են վկայում ինչպես Հայաստանում, այնպես էլ հայկական գաղթօջախներում ստեղծված բազմաթիվ ուշագրավ առարկաներ, որոնք, հիրավի, բարձր արվեստի ու արհեստի արժեքներ են։ Արհեստավորները պատրաստել են բազմատեսակ առարկաներ, որոնք այսօր որոշակի հետաքրքրություն հնաներկայացնում արվեստի այդ ճյուղի ուսումնասիրության համար։ Դժվար չէ նկատել, որ շնայած տնտեսական ու քաղաքական ծանր պայմաններին, հայ ոսկերիչ-վարպետները սերնդից սերունդ փոխանցել են իրենց արհեստը՝ հաճախ գտնվելով մայր հայրենիքից հեռու։ Հայ մշակույթի հուշարձանների զոհալի մասը՝ սկսած ճարտարապետական կոթողներից, գրչագիր մատյաններից, տարազի տեսակներից մինչև զարդաքանդակները, տարագրության հետևանքով ոչնչացվել են կամ էպպես խաթարվել։

Վերջերս Հայաստանի պատմության թանգարանը փարիզաբնակ հնասեր Նվարդ Գափամաճյանից ստացավ ուշ միջնադարյան ոսկերչության ուշագրավ մի նմուշ՝ սեղանի արծաթյա ոսկեջրած զարդախաչ (երկարությունը՝ բունակի հետ՝ 20,5 սմ, տրամագիծը՝ 9 սմ)¹։

Հավասարաթև զարդախաչի դեպի ծայրերը լայնացող խորությունների մեջ և կենտրոնում ագուցված են արծնապատ պատկերավոր կլոր մեղալիոններ՝ եզրափակված հորիզոնական գծերի զարդագոտիով։ Խաչի թևերը լայն քանդակազարդ շրջանակի մեջ ունեն նուրբ ցանցկեն նախշազարդեր՝ 39 ոչ թանկարժեք գունավոր քարերով։ Թևամիջյան ազատ տարածությունները լրացված են շրջանակից ելնող ցանցկեն շուշանաձև նախշերով, որոնք ռենկն մեկական փիրուզներ։

Առանձնակի հետաքրքրություն են ներկայացնում խաչի երեսի հինգ մեղալիոնների գունավոր նկարները։ Կենտրոնում, բաց երկնագույն ֆոնի վրա աստվածամայրն է մինչև գոտկատեղը՝ գլխին լուսապսակ, ձախահայաց դեմքով, մանուշակագույն շրջազգեստով։ Նա ձախ ձեռքով գրկել է մանուկ քրիստոսին, աջով՝ բռնել երկիրը ներկայացնող խաչապսակ գունդը։

Խաչի թևերին առկա գնդերի վրա չորս ավետարանիչների խորհրդանշներն են։ Վերևում պատկերված է մարդակերպ թևավոր առյուծ՝ գլխին լուսապսակ, առջևի թաթերով ավետարան բռնած։ Աջ կողմում՝ հանդիպահայաց պատկերված է մարդկային դեմքով թևավոր հորթ՝ գլխին լուսապսակ, առջևի աջ ոտքով ավետարան բռնած, ներքևի թևի վրա հրեշտակ է՝ լուսապսակով։ Չորրորդ թևի վրա պատկերված է արծիվ, որը ձախ ճիրանով բռնել է ավետարան։ Խա-

¹ Նվարդ Գափամաճյանը թանգարանի լավագույն բարեկամներից է։ Տարիներ շարունակ նա Սովետական Հայաստան է ուղարկել արժեք ներկայացնող նմուշներ, որոնք խնամքով պահվում են Հայաստանի պատմության թանգարանում։ Սեղանի զարդախաչը թանգարանին հանձնվեց Սամվել Մաթևոսյանի միջոցով։





յի կրկնորդ երեսի շրջանակը իր զարդաքարերով և նախշերով կրկնութունն է առաջին երեսի, միայն այն տարբերությամբ, որ արծաթյա գնդերի վրա փորագրված է. Տ[և]ր յ[ի]շ[ա]տ[ա]լ է ս[ու]րբ խաչս ՅակոբիԳ ՄարիամիԳ ի զուղն ՄԱՆՃՈՒՄՈՒՆԳ ի դուռն ս[ու]րբ խաչ եկեղեցի թվի ԹՃՀԹ:

Խաչը պտուտակով ամրացված է վերևի մասում գնդաձև բռնակին, որը ծածկված է նուրբ արծաթաթելերի և հատիկների նախշազարդերով:

Հայտնի է, որ զարդախաչերը պատրաստվել են հայ եկեղեցիների բեմերի դարդարելու նպատակով: Նկարագրված խաչը որոշակի հետաքրքրություն է ներկայացնում, քանի որ այն թվագրված է և հայտնի է պատրաստման վայրը: Ըստ արձանագրության՝ այն պատրաստվել է Կեսարիայի Մանճուսու գյուղի բնակիչներ Հակոբի և Մարիամի պատվերով, հավանաբար տեղի հայ վարպետների ձեռքով: Մանճուսու հայկական գյուղը գտնվել է Կեսարիայի հյուսիս-արևելյան մասում: Այն հայտնի է նաև Մասոն, Մանսոն և Մանտիսոն անուններով: Առկա տեղեկությունների համաձայն՝ Մանճուսուն բնակավայր է եղել բյուզանդական ժամանակաշրջանից, Հովհաննես Աբեղա գրչի մի հիշատակարանից տեղեկանում ենք, որ XV դ. դյուղն ունեցել է երեք հայկական եկեղեցի՝ ս. Աստվածածին, ս. Խաչ և ս. Թորոս²:

Այս փորրիկ տեղեկությունը վկայում է, որ ս. Խաչ եկեղեցին գյուղի հին հուշարձաններից է: Սինչև 1915 թ. Մեծ եզեռնը Մանճուսուն ապրել է լիակատար կյանքով: Ըստ երևույթին, նկարագրվող խաչի ստեղծման ժամանակ դյուղը եղել է բարեշնչ: Ս. Խաչ եկեղեցին շինարարական որոշ վերափոխություններով պահպանվել է մինչև XX դ. սկզբները: Հայտնի է, որ մինչև 1912 թ. եկեղեցում պաշտոնավարել է քահանայ:

Ներկայացվող խաչը աչքի է ընկնում պատկերների առատությամբ: Իր ինքնատիպությամբ ուշագրավ է խաչի կենտրոնի գնդի աստվածամոր պատկերը: Սրբապատկերագրության մեջ դա հայտնի է օդիգիտրիա անվանումով³, որը տարածված է եղել Բյուզանդիայում դեռ վաղ միջնադարից (VII—VIII դդ.) և մեծ ընդունելություն է գտել նաև Փոքր Ասիայում: Նկարագրվող խաչի ինչպիսի աստվածամոր, այնպես էլ մանուկ Քրիստոսի դիմանկարները թեև առաջին հայացքից աչքի են ընկնում իրենց պարզությամբ, բայց իրականում ունեն զգացմունքներ արտահայտող կերպարներին հատուկ հոգեբանական նկարագիր: Վերին աստիճանի մարդկային են, արտահայտիչ, շնայած իրար նման դեմքերի կլորությամբ և կատարման ոճով, բայց միաժամանակ տարբեր. մեկը կանացի նրբությամբ, մյուսը՝ մանկական անհոգությամբ և գերմարդու աստվածային առանձնահատկությամբ:

Աստվածամոր պատկերով մեղալիոնը արժեքավոր է կերպարի գլխի շուրջ պատկերված մոլորակների, արևի, լուսնի և լուսաստղի արտացոլմամբ, որովհետև հունա-հռոմեական, բյուզանդական, ռուսական սրբապատկերագրության մեջ աստվածամայրը մանկան հետ պատկերելիս բացակայում է մոլորակների վերարտադրությունը: Այս տեսակետից ներկայացվող խաչի աստվածամոր պատկերը որոշակի հետաքրքրություն է ներկայացնում, մանա-

² Ա. Ալպոյաճեան, Պատմութիւն հայ Կեսարիոյ, հ. Ա, Կահիրե, 1937, էջ 787:

³ Նույն տեղում, հ. Բ, էջ 1850:

⁴ Նույն տեղում, էջ 788:

⁵ Н. П. Кондаков, Иконография Богоматери, СПб, 1911, стр. 26.

վանդ, որ այդ առանձնահատկությունները պատահական չեն։ Չնայած վաղուց ի վեր քրիստոնեությունը խոր արմատներ էր գցել Կեսարիայի հայ իրականության մեջ, այնուամենայնիվ «հայոց հավատը այստեղ պարուրված է բազմաթիվ նախապաշարումներով, որոնք թերևս հեթանոսական վերապրուկներ են»⁶։

Կեսարիայի հայերի մոտ շատ ամուր էր հինը, որը Ա. Ալպոյաճյանը արդարացիորեն բացատրում է ժողովրդի գոյապահպանման ձգտմամբ։ Բնականաբար, Կեսարիայի հայը ստեղծում էր սրբերի և առաջին հերթին Քրիստոսի ու աստվածամոր երևակայական, իր պատկերացմանը հատուկ՝ մարդկային դիմապատկերներ։ Եվ պատահական չէ, որ տեղի նկարիչներն ու ոսկերիչ վարպետներն իրենց ստեղծագործություններին տվել են ժողովրդական բնույթ։ Կեսարիայի նկարիչների ստեղծած սրբապատկերները, չնայած ընդհանուր կոմպոզիցիայի նմանությունը, խիստ տարբերվում են հատկապես հունական նկարիչների ստեղծած Աստվածամոր և Հիսուսի նկարներից։ Համեմատում ենք հունական նկարիչների հետ, որովհետև վերջիններս կողք-կողքի ապրում էին Կեսարիայի հայերի հետ և ստեղծագործում յուրովի⁷։

Այսպիսով՝ նկարագրվող հուշարձանը Կեսարիայի հայ վարպետի գործ է։

Կեսարիան հայտնի էր իր արհեստավորներով, նաև ոսկերիչ վարպետներով։ Փոքրասիական այլ վայրերի հետ մեկտեղ՝ ոսկերչությունն այստեղ հարկի էր հին ժամանակներից ի վեր։ Ոսկերչական նուրբ աշխատանքով աչքի է ընկնում զարդախաչի բռնակը, որը պատրաստված է հատիկի և թճիկի հյուսվածքի ձևով։

Ներկայացվող խաչը XVIII դ. արժնապատ գունավոր պատկերների կատարման ինքնատիպությամբ, գույների ներքին երանգավորմամբ և զարդանախշերի գեղեցկությամբ Կեսարիայի հայ ոսկերչության լավագույն նմուշներն է։

НАПРЕСТОЛЬНЫЙ КРЕСТ XVIII ВЕКА С АРМЯНСКОЙ НАДПИСЬЮ

М. Е. КАРАПЕТЯН, Г. В. САРКИСЯН

Резюме

В Государственном историческом музее Армении хранится напребстольный крест, сделанный в Кесарии в 1730 г.

С лицевой стороны на концах креста и средокрестии укреплены медальоны с эмалевым изображением Богоматери с младенцем Христом и символами четырех евангелистов. Крест окаймлен декорированным ободком с 39 разноцветными камнями. На обратной стороне выгравирована армянская надпись: «Господь, святой крест в память Акопа и Мариам из села Манчусу, посвященный церкви Святой Крест, год 1730».

К кресту прикреплена ажурная рукоять, выполненная техникой зерни и филиграни.

Исследуемый памятник отличается оригинальностью исполнения сюжетов, своеобразием цветовой гаммы эмалевых украшений и высокой техникой изготовления. Все это ставит его в ряд лучших образцов армянского ювелирного искусства XVIII в.

⁶ Ա. Ալպոյաճյան, նշվ. աշխ., էջ 1744։

⁷ Նույն աեղում, էջ 1745։